



Sud Bosne i Hercegovine
Суд Босна и Херцеговина

Predmet broj: S1 2 K 031163 19 K

Datum: objavljivanja 09.07.2019. godine
pismenog otpravka 22.07.2019. godine

Pred sudskim vijećem u sastavu: sudija Branko Perić, predsjednik vijeća
sudija Džemila Begović, član vijeća
sudija Izo Tankić, član vijeća

PREDMET TUŽILAŠTVA BOSNE I HERCEGOVINE
protiv
Slobodana Živanića

PRESUDA

Tužilac Tužilaštva Bosne i Hercegovine:

Ismet Šuškić

Branilac optuženog:

Advokat Slobodan Perić

Zapisničar:

Bojan Mesić, pravni savjetnik - asistent

Broj: S1 2 K 031163 19 K
Sarajevo, 09.07.2019. godine

U IME BOSNE I HERCEGOVINE

Sud Bosne i Hercegovine, pretresno vijeće sastavljeno od sudije Branka Perića, kao predsjednika vijeća, te sudija Džemile Begović i Ize Tankića, kao članova vijeća, uz sudjelovanje pravnog savjetnika - asistenta Bojana Mesića, u svojstvu zapisničara, u krivičnom predmetu protiv optuženog Slobodana Živanića, zbog krivičnog djela Porezna utaja ili prevara iz člana 210. stav 4. u vezi sa stavom 1. KZ BiH, sve u vezi sa članovima 31. i 54. KZ BiH, povodom optužnice Tužilaštva BiH broj: T20 0 KTPO 0016736 18 od 23.11.2018. godine, koja je potvrđena dana 06.12.2018. godine, nakon održanog pretresa za razmatranje sporazuma o priznanju krivice i ročišta za izricanje krivičnopravne sankcije, u prisustvu tužioca Tužilaštva BiH, optuženog lično i njegovog branioca, dana 09.07.2019. godine, donio je i javno objavio:

P R E S U D U

Optuženi:

SLOBODAN ŽIVANIĆ, sin Borislava i majke Ljubice rođ. Dojčinović, rođen 06.02.1972. godine u Banjoj Luci, po narodnosti Srbin, nastanjen na adresi Mis Adelina Irbi 42A, Banja Luka, državljanin Bosne i Hercegovine, oženjen, otac troje djece od kojih dvoje maloljetno i jedno punoljetno, SSS, po zanimanju trgovac-ugostitelj, trenutno nezaposlen, JMBG 0602972100013, neosuđivan,

K R I V J E

Što je:

Krajem 2010. godine počeo djelovati po nezakonitim nalogima svog poznanika Miroslava Crnčevića iz Banje Luke, a u svrhu svjesnog pomaganja Zeko Branku, odgovornoj osobi u pravnom licu Jadro d.o.o. Gornji Vakuf/Uskoplje i Antonić Nebojši, vlasniku i odgovornoj osobi u pravnom licu Antonić Trade d.o.o. Laktaši, utaje PDV-a, a koji se Miroslav Crnčević, djelujući za račun između ostalih Zeko Branka i Antonić Nebojše, bavio, putem izdavanja naloga i direktnog djelovanja aktivnostima vrbovanja i realizacije osnivanja i registracije ili preregistracije pravnih lica koja su formalno registrovana kao vlasništvo trećih osoba, koje treće osobe se formalno pojavljuju i kao njihovi direktori-odgovorne osobe, pri čemu je u stvarnosti upravljanjem pečatima i čitavim poslovanjem, koje se svodilo na sačinjavanje i/ili ovjeru fiktivnih dokumenata o prometu, raspolagao, a u konkretnom slučaju za korist Zeko Branka i pravnog lica Jadro d.o.o. Gornji Vakuf/Uskoplje i za korist Antonić Nebojše i pravnog lica Antonić Trade d.o.o. Trn-Laktaši, Crnčević Miroslav, i to putem Živanić Slobodana u odnosu na pravna lica SXS d.o.o. Banja Luka i Slara d.o.o. Banja Luka, na način da je Živanić Slobodan, a po nalogu i

2

uputstvima Miroslava Crnčevića, pronašao lica koja su na svoje ime izvršila osnivanje i sudsko registrovanje ili preregistrovanja pravnih lica, odnosno konkretno je pronašao i za navedene radnje sudske preregistracije pravnog lica vrbovao Vulin Nenada iz Banje Luke, koji je po uputama Živanić Slobodana sa Živanić Slobodanom dana 17.12.2010. godine zaključio notarski ugovor broj OPU/2010 godine kojim je Živanić Slobodan, kao osnivač-vlasnik pravnog lica SXS d.o.o. Banja Luka formalno istupio iz istog i udio prenio na Vulin Nenada, koja je promjena upisana Rješenjem Okružnog privrednog suda Banja Luka broj 057-0-Reg-10-002279 od 11.02.2011. godine, kojim je rješenjem Đukić Veselko upisan kao odgovorna osoba-direktor pravnog lica, ali koji Đukić Veselko nije efektivno ni na koji način bio uključen u rad niti upravljanje pravnim licem, Živanić Slobodan je pronašao i za radnje sudske preregistracije pravnog lica vrbovao Udovčić Ranka iz Banje Luke, koji je po uputama Živanić Slobodana na osnovu notarskog ugovora o prenosu udjela i promjeni člana društva E-sistem d.o.o. Banja Luka broj OPU-547/2010 od 30.09.2010. godine, preregistrovao na svoje ime pravno lice E-sistem d.o.o. Banja Luka, koja je promjena upisana Rješenjem Okružnog privrednog suda Banja Luka broj 057-0-Reg-10-001584 od 13.10.2010. godine, kojim je rješenjem Ranko Udovčić upisan kao odgovorna osoba-direktor navedenog pravnog lica, zatim je Živanić Slobodan, u dogovoru sa Udovčić Rankom, pronašao i za istovrsne radnje osnivanja i sudske registracije pravnog lica vrbovao Slađanu Trivunović iz Banja Luke, koja je živjela u nevjenčanoj bračnoj zajednici sa Udovčić Rankom, koja je po uputama Živanić Slobodana i u dogovoru sa Udovčić Rankom, izvršila osnivanje i registraciju pravnog lica Slara d.o.o. Banja Luka, čije je osnivanje upisano Rješenjem Okružnog privrednog suda u Banja Luci broj: 057-0-Reg-11-001329 od 07.06.2011. godine, kojim je rješenjem ista upisana kao vlasnik i direktor-odgovorna osoba pravnog lica Slara d.o.o. Banja Luka, koje radnje je Slobodan Živanić izvršio kako bi navedena tri pravna lica služila za vršenje poslovanja u lancima fiktivnog prometa, tj. kako bi ista, u skladu sa kriminalnim potrebama, a na način omogućavanja stvarnim poreskim obveznicima Jadro d.o.o. Gornji Vakuf/Uskoplje i Antić Trade d.o.o. Laktaši kao karikama u lancima fiktivnog prometa vršenje utaje poreza, fiktivno nabavljala i/ili fiktivno prodavala različite robe, odnosno sirovu kafu u lancima fiktivnog prometa u kojima se pojavljuje pravno lice Jadro d.o.o. Gornji Vakuf/Uskoplje, te cigarete u lancima fiktivnog prometa u kojima se pojavljuje pravno lice Antić Trade d.o.o. Laktaši, na način da su odgovorna lica u navedenim preduzećima, Udovčić Ranko u pravnom licu E-sistem d.o.o. Banja Luka i Trivunović Slađana u pravnom licu Slara d.o.o. Banja Luka, te Vulin Nenad kao vlasnik pravnog lica SXS d.o.o. Banja Luka, po uputstvima Živanić Slobodana, a koja je on, opet, dobijao od Crnčević Miroslava, sačinjavala i/ili ovjeravala dokumentaciju lažnog sadržaja, koju im je u pravilu donosio Slobodan Živanić, u lancima fiktivnog prometa čija je karika-utajivač poreza pravno lice Antić Trade d.o.o. Laktaši, nakon što mu je prethodno preda Miroslav Crnčević, spremljenu za ovjeru, i to fakture i pripadajuća dokumentacija vezana za na njima prikazani promet (otpremnice, blagajnički nalozi, platni nalozi i sl.) o prometu različitih vrsta robe (pretežno cigareta), dok su u odnosu na lance fiktivnog prometa u kojima se pojavljuje pravno lice Jadro d.o.o. Gornji Vakuf/Uskoplje po uputama Živanić Slobodana sačinjavali fakture i pripadajuću dokumentaciju vezanu za na njima prikazani promet (otpremnice, blagajnički nalozi, platni nalozi i sl.) o prometu robe sirove kafe i istu su ovjeravali potpisom i pečatima navedenih pravnih lica, iako se stvarni

promet robom nije desio, a fiktivni promet navedenih pravnih lica obavljan je putem sačinjavanja i/ili ovjere fiktivnih dokumenata konkretno na način da je: Vulin Nenad početkom 2011. godine, a po nalogu i uputama Živanić Slobodana, izvršio sudsku preregistraciju pravnog lica SXS d.o.o. Banja Luka na svoje ime kao vlasnika, te je potom u stvarnosti upravljao poslovanjem pravnog lica SXS d.o.o. Banja Luka, na način da je u periodu april-avgust 2011. godine, djelujući po uputstvima Živanić Slobodana, u više navrata svojeručnim potpisom i otiskom pečata pravnog lica SXS d.o.o. Banja Luka ovjerio dokumentaciju lažnog sadržaja-ulazne i izlazne fakture i druge na navedeni fiktivni promet odnosno poslovne dokumente (otpremnice, blagajničke naloge, platne naloge, PDV prijave itd.), koje fakture stoga ne predstavljaju poreske fakture u smislu odredaba člana 55. Zakona o PDV-u, te iste, u mjeri u kojoj je vođeno knjigovodstvo pravnog lica SXS d.o.o. Banja Luka, zaveo u zvanične knjigovodstvene evidencije istog pravnog lica, iako je znao da se nije desio promet između pravnog lica SXS d.o.o. i pravnih lica Mixim d.o.o. Banja Luka, E-sistem d.o.o. Banja Luka, Antoniće Trade d.o.o. Laktaši, Jadro d.o.o. Gornji Vakuf/Uskoplje, pa je tako pravnom licu Jadro d.o.o. Gornji Vakuf/Uskoplje ispostavio fiktivne fakture navodnog dobavljača SXS d.o.o. Banja Luka za sirovu kafu, sljedećih brojeva i datuma: 12/011 od 26.05.2011. godine, 14/11 od 27.05.2011. godine, 17/11 od 23.06.2011. godine, 19/11 od 12.07.2011. godine, na kojim fakturama je ukupno prikazan PDV u iznosu od 108.063,56 KM, na koji način je Živanić Slobodan putem Vulin Nenada omogućio pravnom licu Jadro d.o.o. Gornji Vakuf/Uskoplje da u svojim zvaničnim knjigovodstvenim evidencijama i PDV prijavama neosnovano i nezakonito na štetu Budžeta BiH obračuna, prikaže i realizuje odbitni ulazni PDV u iznosu od 108.063,56 KM prikazan na tim fakturama, pri čemu je za navedene količine kafe fiktivno prodate pravnom licu Jadro d.o.o. Gornji Vakuf/Uskoplje Vulin Nenad pribavio također fiktivne fakture o navodnoj prethodnoj nabavci te kafe od pravnog lica Mixim d.o.o. Banja Luka; zatim je Živanić Slobodan omogućio putem Vulin Nenada pravnom licu Antoniće Trade d.o.o. Laktaši da fiktivno razduži/prikaže prodaju cigareta pravnom licu SXS d.o.o. Banja Luka po fakturama Antoniće Trade d.o.o. Laktaši naslovljenim na pravno lice SXS d.o.o. Banja Luka brojeva i datuma: 2011-V007-23-000223 od 18.04.2011. godine, 2011-V007-23-000224 od 18.04.2011. godine, 2011-V007-23-000365 od 06.06.2011. godine, 2011-V007-23-000441 od 01.07.2011. godine, 2011-V007-23-000446 od 04.07.2011. godine, 2011-V007-23-000456 od 05.07.2011. godine, 2011-V007-23-000559 od 08.08.2011. godine, na kojim fakturama je ukupno prikazan PDV u iznosu od 132.362,13 KM, a rabat u iznosu od 62.711,08 KM, na koji način je Živanić Slobodan putem Vulin Nenada omogućio pravnom licu Antoniće Trade d.o.o. Laktaši da na štetu Budžeta BiH izbjegne prikazivanje, obračun i prijavu PDV-a na prikazani ukupan rabat na tim fakturama od 62.801,08 KM (iznos prikazanog rabata), u iznosu od 10.676,18 KM, koji iznos predstavlja 17% vrijednosti prikazanog rabata, na štetu Budžeta BiH, nakon čega je Slobodan Živanić preuzimao takvu fiktivnu dokumentaciju od Vulin Nenada, te je Slobodan Živanić istu prosljeđivao putem Crnčević Miroslava, Zeko Branku i Antoniće Nebojši, na koji način je Slobodan Živanić putem Vulin Nenada omogućio Zeko Branku da u zvaničnim knjigovodstvenim evidencijama pravnog lica Jadro d.o.o. Gornji Vakuf/Uskoplje prikaže, obračuna i putem podnošenja PDV prijave lažnog sadržaja za poreske periode maj-juli 2011. godine ostvari neosnovan i nezakonit odbitak ulaznog poreza u iznosu od

108.063,56 KM; Antonić Nebojši da u zvaničnim knjigovodstvenim evidencijama pravnog lica Antonić Trade d.o.o. Laktaši prikaže razduženje-prodaju cigareta pravnom licu SXS d.o.o. Banja Luka, na kojim prodajnim fakturama je prikazan PDV u ukupnom iznosu od 132.362,13 KM te da navedene cigarete stvarno proda na crnom tržištu na način izbjegavanja prikazivanja, obračuna i plaćanja PDV-a u iznosu od 10.676,18 KM na rabat u iznosu od 62.801,08 KM prikazan na fakturama u poreskim periodima april, juni, juli i avgust 2011. godine, koje je sve radnje preduzeo u svrhu pomaganja-omogućavanja pravnim licima Jadro d.o.o. Gornji Vakuf i Antonić Trade d.o.o. Banja Luka da u navedenim iznosima na navedeni način izvrše utaju PDV-a, te u svrhu prikrivanja tragova počinjenja poreske utaje od stvarnih utajivača PDV-a, na način učestvovanja pravnog lica SXS d.o.o. Banja Luka u opisanim lancima fiktivnog prometa i pripadajućim platnim transakcijama obavljenim kao plaćanja za poslovne kupoprodajne događaje koji se u stvarnosti nisu desili, na koji način je Slobodan Živanić putem Vulin Nenada i pravnog lica SXS d.o.o. Banja Luka ukupno pomogao-omogućio da druga, a prethodno opisana, pravna lica, izvrše utaju PDV-a u ukupnom iznosu od 118.739,74 KM, pa se u konkretnom slučaju radi o postupanju protivnom odredbama članova 4. i 32. Zakona o PDV-u i člana 63. Pravilnika o primjeni Zakona o PDV-u, u pogledu fiktivnog prometa cigaretama radi se i postupanju protivnom odredbama člana 25. st. 1. i 5. Zakona o akcizama u BiH (Sl. glasnik BiH br. 49/09), i člana 20. stav 10. Zakona o PDV-u, odnosno radi se o fiktivnom prometu definisanom odredbom člana 64. Zakona o PDV, odnosno radnjama opisanim u članu 16. Zakona o Upravi za indirektno oporezivanje, zatim na način da je Slađana Trivunović, u periodu juni 2011. godine, za potrebe kriminalnih ciljeva utaje poreza, po nalogu Živanić Slobodana i u dogovoru sa nevjenčanim mužem Udovčić Rankom, izvršila osnivanje pravnog lica "Slara" d.o.o. Banja Luka, koje je upisano u sudski registar Okružnog privrednog suda u Banjoj Luci Rješenjem broj 057-0-Reg-11-001329 od 07.06.2011. godine, u kojem pravnom licu također predstavlja odgovornu osobu-direktora, te je u periodu juli-avgust 2011. godine u svojstvu osnivača i ovlaštenog lica-odgovorne osobe pravnog lica Slara d.o.o. Banja Luka, po nalogu Živanić Slobodana i u dogovoru sa nevjenčanim mužem Udovčić Rankom, u više navrata svojeručnim potpisom i otiskom pečata pravnog lica Slara d.o.o. Banja Luka ovjerila dokumentaciju lažnog sadržaja-ulazne i izlazne fakture i druge na navedeni fiktivni promet odnosno poslovne dokumente (otpremnice, blagajničke naloge, platne naloge, PDV prijave itd.), koje fakture stoga ne predstavljaju poreske fakture u smislu odredaba člana 55. Zakona o PDV-u, te iste, u mjeri u kojoj je pravno lice Slara d.o.o. Banja Luka vodilo knjigovodstvo, zavela u zvanične knjigovodstvene evidencije pravnog lica Slara d.o.o. koje je, protivno odredbama člana 56. Zakona o PDV-u, samo djelimično vodila, iako je znala da se nije desio promet između preduzeća Slara d.o.o. sa jedne strane i preduzeća Jadro d.o.o., Gornji Vakuf/Uskoplje, pa je tako pravnom licu Jadro d.o.o. Gornji Vakuf/Uskoplje ispostavila fiktivne fakture navodnog dobavljača Slara d.o.o. Banja Luka za sirovu kafu, sljedećih brojeva i datuma: 2/011 od 01.07.2011. godine, 4/011 od 08.07.2011. godine, 5/011 od 20.07.2011. godine, 6/011 od 23.07.2011. godine, 7/011 od 26.07.2011. godine, 11/011 od 01.08.2011. godine, 12/011 od 02.08.2011. godine, 14/011 od 04.08.2011. godine, na kojim fakturama je prikazan PDV u ukupnom iznosu od 159.952,23 KM, na koji način je omogućila pravnom licu Jadro d.o.o. Gornji Vakuf/Uskoplje da u svojim zvaničnim

knjigovodstvenim evidencijama i PDV prijavama neosnovano i nezakonito na štetu Budžeta BiH obračuna, prikaže i realizuje odbitni ulazni PDV u iznosu od 159.952,23 KM prikazan na tim fakturama, pri čemu je za navedene količine kafe fiktivno prodate pravnom licu Jadro d.o.o. Gornji Vakuf/Uskoplje pribavila također fiktivne fakture o navodnoj prethodnoj nabavci te kafe od pravnog lica E-sistem d.o.o. Banja Luka; zatim je Slobodan Živanić putem naloga izdatih Slađani Trivunović i Udovčić Ranku omogućio pravnom licu Antić Trade d.o.o. Laktaši da fiktivno razduži/prikaže prodaju cigareta pravnom licu Slara d.o.o. Banja Luka po fakturama Antić Trade d.o.o. Laktaši naslovljenim na pravno lice Slara d.o.o. Banja Luka brojeva i datuma: 2011-V007-23-000484 od 14.07.2011. godine i broj 2011-V-007-23-000478 od 13.07.2011. godine, na kojim je prikazan PDV u iznosu od 51.487,27 KM, a rabat u iznosu od 27.203,97 KM, koje fakture je Trivunović Slađana zavela u knjigu ulaznih faktura pravnog lica Slara d.o.o. Banja Luka, te po fakturi broj 2011-V-007-23-00058 od 08.08.2011. godine, na kojoj prikazan PDV u iznosu od 28.290,99 KM i rabat u iznosu od 14.471,10 KM, koju fakturu nije zavela u zvanične knjigovodstvene evidencije pravnog lica Slara d.o.o. Banja Luka, na koji način je Slobodan Živanić putem Slađane Trivunović omogućio pravnom licu Antić Trade d.o.o. Laktaši da na štetu Budžeta BiH izbjegne prikazivanje, obračun i prijavu PDV-a na prikazani ukupan rabat na tim trima fakturama od 41.675,07 KM rabata, u iznosu od 7.084,76 KM PDV-a, koji iznos PDV-a predstavlja 17% vrijednosti prikazanog rabata, na štetu Budžeta BiH, a koju fiktivnu nabavku cigareta je Trivunović Slađana razdužila kroz sačinjavanje fiktivne fakture pravnog lica Slara d.o.o. Banja Luka broj 13/011 na iznos od 362.077,25 KM naslovljene na pravno lice E-sistem d.o.o. Banja Luka, koju lažnu fakturu nije zavela u zvaničnim knjigovodstvenim evidencijama pravnog lica Slara d.o.o. Banja Luka; zatim na bankovne račune pravnog lica Antić Trade d.o.o. Laktaši putem banaka "Nova banka", "Pavlović banka", "UniCredit Banka", "NLB banka" izvršila transfere novca sa bankovnih računa pravnog lica Slara d.o.o. Banja Luka u ukupnom iznosu od 856.704,85 KM, koja sredstva su na bankovne račune pravnog lica Slara d.o.o. Banja Luka prethodno uplaćena od pravnog lica Jadro d.o.o. Gornji Vakuf/Uskoplje za fiktivne nabavke kafe, pri čemu je kao svrha navedenih transfera navedeno "avansi za robu", iako je pravno lice Slara d.o.o. Banja Luka u navedenom periodu imalo evidentirane obaveze prema pravnom licu Antić Trade d.o.o. po osnovu fiktivne nabavke cigareta; nakon čega je takvu fiktivnu dokumentaciju zajedno ili alternativno sa Udovčić Rankom, predavala Slobodanu Živaniću, koji je istu prosljeđivao, putem Crnčević Miroslava, Zeko Branku, Antić Nebojši, na koji način je Živanić Slobodan putem Slađane Trivunović omogućio Zeko Branku da u zvaničnim knjigovodstvenim evidencijama pravnog lica Jadro d.o.o. Gornji Vakuf/Uskoplje prikaže, obračuna i putem podnošenja PDV prijava lažnog sadržaja za poreske periode juli i avgust 2011. godine ostvari neosnovan i nezakonit odbitak ulaznog poreza u iznosu od 159.952,23 KM; Antić Nebojši da u zvaničnim knjigovodstvenim evidencijama pravnog lica Antić Trade d.o.o. Laktaši prikaže razduženje-prodaju cigareta pravnom licu Slara d.o.o. Banja Luka, na kojim prodajnim fakturama je prikazan PDV u ukupnom iznosu od 79.778,26 KM i rabat u ukupnom iznosu od 41.675,07 KM, te da navedene cigarete stvarno proda na crnom tržištu na način izbjegavanja prikazivanja, obračuna i plaćanja PDV-a na navedeni rabat u poreskim periodima juli i avgust 2011. godine u iznosu od 7.084,76 KM n štetu Budžeta BiH, kao i da zaprimi i stekne novčana sredstva u iznosu od

856.704,85 KM, čije sticanje i zaprimanje nije zasnovano na u zvaničnim knjigovodstvenim evidencijama prikazanim poslovnim događajima; koje je sve radnje Slađana Trivunović preduzela po nalogu Živanić Slobodana i u dogovoru sa Udovčić Rankom u svrhu pomaganja-omogućavanja pravnim licima Jadro d.o.o. Gornji Vakuf i Antić Trade d.o.o. Banja Luka da u navedenim iznosima na navedeni način izvrše utaju PDV-a, te u svrhu prikrivanja tragova počinjenja poreske utaje od stvarnih utajivača PDV-a, na način učestvovanja pravnog lica Slara d.o.o. Banja Luka u opisanim lancima fiktivnog prometa i pripadajućim platnim transakcijama obavljenim kao plaćanja za poslovne kupoprodajne događaje koji se u stvarnosti nisu desili, na koji način je Slobodan Živanić, putem Slađane Trivunović ukupno pomogao-omogućio da druga, a prethodno opisana, pravna lica, izvrše utaju PDV-a u ukupnom iznosu od 167.036,99 KM, pa se u konkretnom slučaju radi o postupanju protivnom odredbama članova 4. i 32. Zakona o PDV-u i člana 63. Pravilnika o primjeni Zakona o PDV-u, u pogledu fiktivnog prometa cigaretama radi se i postupanju protivnom odredbama člana 25. st. 1. i 5. Zakona o akcizama u BiH (Sl. glasnik BiH br. 49/09), i člana 20. stav 10. Zakona o PDV-u, odnosno radi se o fiktivnom prometu definisanom odredbom člana 64. Zakona o PDV, odnosno radnjama opisanim u članu 16. Zakona o Upravi za indirektno oporezivanje, pri čemu je na navedeni način Slobodan Živanić omogućio da pravna lica Jadro d.o.o. Gornji Vakuf/Uskoplje i Antić Trade d.o.o. Laktaši u 2011. godini na opisani način ukupno izvrše utaju PDV-a na štetu Budžeta BiH u iznosu od 285.776,73 KM, te pri čemu je Slobodan Živanić, kao nagradu za pribavljanje sačinjavanja i ovjeravanja faktura fiktivnog prometa na osnovu kojih je pravno lice Jadro d.o.o. Gornji Vakuf/Uskoplje neosnovano steklo i realizovalo odbitak ulaznog PDV-a prikazanog na opisanim fakturama, a pravno lice Antić Trade d.o.o. Laktaši izvršilo utaju PDV-a na PDV obračunat po stopi od 17% na rabat na fiktivnim fakturama koje je to lice razdužilo na lica Slara d.o.o. Banja Luka i SXS d.o.o. Banja Luka, od Crnčević Miroslava, po čijim je nalogima djelovao, stekao protivpravnu imovinsku korist u iznosu od 15.000,00 KM,

čime je počinio krivično djelo Porezna utaja ili prevara iz člana 210. stav 4. KZ BiH u vezi sa stavom 1. sve u vezi sa članovima 31. i 54. KZ BiH,

pa mu Sud, na osnovu članova 39., 42., 48., 49. i 54. KZ BiH, izriče:

KAZNU ZATVORA

U TRAJANJU OD 1 (JEDNE) GODINE

Na osnovu odredaba članova 110. i 111. Krivičnog zakona BiH, od optuženog Slobodana Živanića oduzima se imovinska korist pribavljena izvršenjem krivičnog djela u iznosu od 15.000,00 KM (slovima: petnaest hiljadakonvertibilnih marka), koja sredstva su blokirana na računu vlasnika Svetlane Živanić, otvorenom kod "NLB Banka" a.d. Banja Luka, na računu broj: 562-099-81503929-01, te prebačena na bankovne račune zapljene. Navedeni novčani iznosi će po pravosnažnosti presude biti uplaćeni na račun budžeta BiH.

Na osnovu člana 188. stav 1. Zakona o krivičnom postupku BiH, Sud je optuženog obavezao da nadoknadi troškove krivičnog postupka, o čijoj će visini Sud odlučiti posebnim rješenjem nakon što pribavi potrebne podatke.

O b r a z l o ž e n j e

1. Optužba

Optužnicom broj: T20 0 KTPO 0016736 18 od 23.11.2018. godine, Tužilaštvo BiH optužilo je Slobodana Živanića da je počinio krivično djelo Porezna utaja ili prevara iz člana 210. stav 4. u vezi sa stavom 1. KZ BiH, sve u vezi sa članovima 31. i 54. KZ BiH.

Optužnica je potvrđena dana 06.12.2018. godine.

Dana 05.03.2019. godine započeo glavni pretres.

2. Sporazum o priznanju krivice

Sporazum o priznanju krivice koji je zaključen između optuženog Slobodana Živanića, njegovog branioca, advokata Slobodana Perića i tužioca Tužilaštva BiH, Ismeta Šuškića, dostavljen je ovom Sudu dana 03.03.2019. godine.

Navedeni sporazum nije prihvaćen, obzirom da je Sud ocijenio da predložena krivičnopravna sankcija nije u skladu sa zakonom.

Dana 24.05.2019. godine, ovom Sudu dostavljen je novi sporazum o priznanju krivice koji je zaključen između optuženog Slobodana Živanića, njegovog branioca, advokata Slobodana Perića i tužioca Tužilaštva BiH, Ismeta Šuškića.

Zaključenim sporazumom optuženi je priznao krivicu da je radnjama opisanim u optužnici, počinio krivično djelo Porezna utaja ili prevara iz člana 210. stav 4. u vezi sa stavom 1. KZ BiH, sve u vezi sa članovima 31. i 54. KZ BiH, te prihvatio da mu se za počinjenje ovog krivičnog djela izrekne kazna zatvora u trajanju od 1 (jedne) godine, te da se od istog oduzme protivpravno stečena imovinska korist u iznosu od 15.000,00 KM (petnaesthiljada konvertibilnih maraka).

3. Razmatranje sporazuma o priznanju krivice

U smislu odredbe člana 231. Zakona o krivičnom postupku BiH, Sud je na ročištu održanom dana 09.07.2019. godine provjerio i utvrdio da je do zaključenja sporazuma došlo dobrovoljno, svjesno i sa razumijevanjem, da je optuženi upoznat sa mogućim posljedicama zaključenja sporazuma, odnosno da se time odriče prava na suđenje i da ne može uložiti žalbu na krivičnopravnu sankciju koja će mu se izreći.

Optuženi Slobodan Živanić pred Sudom je jasno izjavio da se osjeća krivim za djelo koje mu Tužilaštvo BiH stavlja na teret, izvršeno na način i u vrijeme opisano u optužnici, te da se za zaključenje sporazuma odlučio svjesno i svojevoljno, u skladu sa čim je i dao izjavu o priznanju krivice, nedvosmisleno potvrđujući da je upoznat sa svim zakonskim posljedicama zaključenja sporazuma.

Nakon što je razmotrio datu izjavu optuženog, te utvrdio da postoji dovoljno dokaza o krivici optuženog, Sud je zaključio da su u cijelosti ispunjene pretpostavke propisane članom 231. stav 6. ZKP BiH, zbog čega je prihvatio zaključeni sporazum.

4. Dokazni standard

Standard dovoljno dokaza, koji je neophodan za prihvatanje sporazuma o priznanju krivice, proizilazi iz dokaza predloženih u optužnici, koji su bili osnov za potvrđivanje optužnice, a u vezi kojih nije bilo prigovora u pogledu autentičnosti, relevantnosti i zakonitosti.

5. Krivična sankcija

Na pretresu za izricanje krivičnopravne sankcije, iznesene su činjenice koje su od značaja za odluku Suda o prihvatljivosti krivičnopravne sankcije dogovorene sporazumom.

Tužilac je izjavio da je prilikom predlaganja vrste i visine kazne imao u vidu da je optuženi priznao izvršenje krivičnog djela, da se obavezao da svjedoči u povezanim predmetima, kao i da je ranije obezbijedena imovinska korist, koja je blokirana rješenjem Suda i nalazi se na posebnom računu. Takođe, Tužilac je naveo da se radi o osobi koja je pomagala u izvršenju krivičnog djela Porezne utaje, te da isti nije direktno utajio poreze, kao i da optuženi Živanić ranije nije osuđivan.

Nakon ocjene svih iznijetih činjenica i okolnosti, Sud je prihvatio sporazumom dogovorenu krivičnu sankciju, te je primjenom odredbi člana 39., 42., 48., 49. i 54. KZ BiH, za krivično djelo Porezna utaja ili prevara iz člana 210. stav 4. u vezi sa stavom 1. KZ BiH, sve u vezi sa članovima 31. i 54. KZ BiH, optuženom izrekao kaznu zatvora u trajanju od 1 (jedne) godine, smatrajući da je dogovorena kazna po vrsti i visini srazmjerna težini krivičnog djela i stepenu krivične odgovornosti optuženog.

Kod odmjeravanja kazne zatvora, Sud je primjenio pravila o ublažavanju kazne kako je to predviđeno članom 49. i 50. stav 1. tačka b) KZ BiH. Naime, iako je odredbom člana 210. stav 4. u vezi stava 1. Krivičnog zakona BiH, kojom se tereti optuženi, predviđena kazna zatvora u trajanju od najmanje tri godine, Sud je cijeneći okolnosti slučaja, utvrdio da postoje osobito olakšavajuće okolnosti koje ukazuju da će se u konkretnom slučaju postići svrha kažnjavanja odmjeravanjem kazne ispod granice propisane zakonom. Sud je od olakšavajućih okolnosti cijenio da je optuženi porodičan čovjek, otac dvoje djece, ranije

neosuđivan, da je priznao izvršenje predmetnog krivičnog djela, čime je doprinio ekonomičnom i efikasnom okončanju postupka, izrazio svoje kajanje i saradivao sa Tužilaštvom, te se obavezao na svjedočenje. Sud je posebno cijenio protek vremena od izvršenja krivičnog djela (2010), činjenicu da se radnja izvršenja svodi na pomaganje u izvršenju krivičnog djela Porezne utaje, te da je osigurano vraćanje imovinske koristi pribavljene krivičnim djelom, koje okolnosti u svojoj ukupnosti predstavljaju osobito olakšavajuće okolnosti, koje primjenom odredbe člana 50. stav 1. tačka b) KZ BiH opravdavaju ublažavanje kazne ispod posebnog zakonskog minimuma.

Na strani optuženog nisu nađene otežavajuće okolnosti.

Sud je uvjerenja da će se izrečenom kaznom postići svrha kažnjavanja, u smislu odredbe člana 39. KZ BiH, te da je ista adekvatna učinjenom djelu i stepenu krivične odgovornosti optuženog.

6. Oduzimanje imovinske koristi

Odredbom člana 110. i 111. KZ BiH, propisano je da niko ne može zadržati imovinsku korist pribavljenu krivičnom djelom, te da će se korist oduzeti sudskom odlukom kojom je utvrđeno da je krivično djelo učinjeno.

Cijeneći navedene zakonske odredbe, Sud je od optuženog oduzeo imovinsku korist pribavljenu izvršenjem krivičnog djela u iznosu 15.000,00 KM (slovima: petnaest hiljadak konvertibilnih marka), koja sredstva su blokirana na računu vlasnika Svetlane Živanić, otvorenom kod "NLB Banka" a.d. Banja Luka, na računu broj: 562-099-81503929-01, te prebačena na bankovne račune zapljene. Navedeni novčani iznosi će po pravosnažnosti presude biti uplaćeni na račun budžeta BiH.

7. Troškovi krivičnog postupka

Rukovodeći se odredbom člana 188. stav 1. Zakona o krivičnom postupku BiH, Sud je optuženog obavezao da nadoknadi troškove krivičnog postupka, o čijoj će visini Sud odlučiti posebnim rješenjem nakon što pribavi potrebne podatke.

Zapisničar
Pravni savjetnik - asistent
Bojan Mesić

PREDSJEDNIK VIJEĆA SUDIJA
Branko Perić

POUKA O PRAVNOM LIJEKU: Protiv ove presude nije dozvoljena žalba na izrečenu krivičnopravnu sankciju, dok se iz drugih razloga žalba može podnijeti u roku od 15 dana od dana dostavljanja pismenog otpravka presude, Vijeću apelacionog odjeljenja ovog Suda. Žalba se podnosi u dovoljnom broju primjeraka.